



Մ Ա Յ Ր Ա Թ Ո Ռ Ո Ւ Մ

Հուլիսի 1-ին, կիրակի.—Գ կիրակի զկնի Հոգեգալստեան.

Մայր տանարումսս պատարագ է մատուցում տ. Արսեն ծ. վրդ. Բերբերյանը:

Ա. պատարագին ներկա է լինում Վեհափառ Հայրապետը:

*
* *

Հուլիսի 5-ին, հինգշաբթի.—Այսօր Վեհափառ Հայրապետի հրավերով ԱՄՆ-ից ուխտավորաբար Մայր Աթոռ է ժամանում տ. Սիոն արքեպ. Մանուկյանը:

*
* *

Հուլիսի 8-ին, կիրակի.—Դ կիրակի զկնի Հոգեգալստեան.

Այսօր Մայր տանարումսս պատարագ է մատուցում տ. Արիս ծ. վրդ. Ծիրվանյանը:

Ա. պատարագին ներկա է լինում Վեհափառ Հայրապետը:

*
* *

Նույն օրը, Վեհափառ Հայրապետի հրավերով, ուխտավորաբար Մայր Աթոռ է ժամանում Անգլիայի հայրապետական պատվիրակ տ. Պասկ արքեպ. Թումայանը:

Մրբագանին օղանավակալանում դիմավորում են Մայր տանարի լուսարարապետ տ. Հուսիկ եպս. Սանթրոյանը և Աղվան կիսասարկավագ Գասպարյանը:

*
* *

Հուլիսի 9-ին, երկուշաբթի.—Այսօր հոգևոր ճանարանի սույն թվականի չորս շրջանավարտ-սարկավագներ՝ Սամվել Պետրոսյանը, Ալետիք Արաքսյանը, Վրեժ Նաչարյանը և Ռոբերտ Նազարյանը, Վեհափառ Հայրապետի կարգադրությամբ, մեկ շաբաթ ժամանակով մեկնեցին Լեհինգրադ՝ որպես տեղի հոգևոր ակադեմիայի հյուրեր:

Մայր Աթոռի սարկավագներին օղանավակալանում դիմավորեցին, հանուն հոգևոր ակադեմիայի, քահանա հայրեր և սարկավագներ:

Մայր Աթոռի սարկավագները այցելեցին ռուսական եկեղեցիները, Լեհինգրադի և շրջակայքի տեսարժան-պատմական վայրերն ու թանգարանները:

Վերջում Մայր Աթոռի սարկավագները այցելեցին հոգևոր ակադեմիա, ուր նրանց պատվին պաշտոնական ճաշկերույթ տվեց հոգևոր ակադեմիայի ռեկտոր Մելիտոն եպիսկոպոսը:

Նույն օրը Մայր Աթոռի սարկավագներին ընդունեց Լեհինգրադի և Նովգորոդի միտրոպոլիտ տ. Նիկոլիմը և նրանց հետ ունեցավ ջերմ, հայրական զրույց:

Հանուն Վեհափառ Հայրապետի «Էջմիածին» ամսագրի խմբագրությունն իր ջերմ շնորհակալություններն է հայտնում Լեհինգրադի միտրոպոլիտոսյանը և հոգևոր ակադեմիայի տեսչոյանը՝ Մայր Աթոռի սարկավագներին ցույց տված ջերմ, հյուրընկալ վերաբերմունքի համար:

* * *

Հուլիսի 12-ին, հինգշաբթի.—Տօն Սրբոց Թարգմանչացն մերոց Սահակայ և Մեսրոպայայ.

Այսօր Օշականի և Մեսրոպ Մաշտոցի անվան եկեղեցում և պատարագ է մատուցում Ռումիհիայի և Բուլղարիայի հայոց առաջնորդ տ. Տիրայր եպս. Մարտիրոսյանը և «Հայր մեր»-ից առաջ քարոզում և Սահակի և և Մեսրոպի մշակութային, թարգմանական և հայրենասիրական գործունեության մասին:

Ս. պատարագի արարողությանը մասնակցում է Մայր Աթոռի միաբանությունը և հոգևոր ճեմարանի ուսանողությունը:

Ս. պատարագի արարողությունից հետո հոգեհանգստյան մասնավոր պաշտոն է կատարվում Վահան Ամատունի իշխանի գերեզմանի առջև՝ հայ մշակույթի բոլոր վաստակավորների հիշատակին:

* * *

Հուլիսի 15-ին, կիրակի.—Ե կիրակի զկնի Հոգեգայտեան. Գիւտ տփոյ սրբուհոյ Աստուածածնի.

Մայր տաճարում իր ծայրագույն վարդապետության անդրանիկ պատարագն է մատուցում տ. Գևորգ Ծ. վրդ. Սերայդարյանը և «Հայր մեր»-ից առաջ քարոզում «Թագաւոր երկնաւոր զեկեղեցի քո անշարժ պահեա» (շարական) բնաբանով:

Ս. պատարագին ներկա է լինում Վեհափառ Հայրապետը:

* * *

Հուլիսի 19-ին, հինգշաբթի.—Այսօր Վեհափառ Հայրապետին հրաժեշտ տալով ԱՄՆ մեկնեցին տեղի Հայ եկեղեցասեր երիտասարդաց կազմակերպության 19 անդամ-անդամուհիներ՝ ղեկավարությամբ տ. Ներսես բնն. Ծեպեճյանի, որոնք մոտ մեկ ամիս ժամանակով Վեհափառ Հայրապետի հրավերով ուխտավորաբար գտնվում էին և Էջմիածնում և Հայաստանում՝ որպես Մայր Աթոռի հյուրեր:

Մույն երիտասարդական խումբը կիրակի օրերին միշտ ներկա եղավ և պատարագին, և հաղորդություն ստացավ, հանդիպումներ ունեցավ Մայր Աթոռի սարկավագների և հոգևոր ճեմարանի ուսանողների հետ:

Վեհափառ Հայրապետը բարեհաճեց մի քանի անգամ ընդունել եկեղեցասեր միու-

թյան այս անդամ-անդամուհիներին, հետաքրքրվեց նրանց կյանքով ու գործունեությամբ, քաջալերեց նրանց աստվածահաճ ձեռնարկները և տվեց հայրապետական Իր պատգամն ու օրհնությունները:

Մույն երիտասարդ-երիտասարդուհիները այցելեցին նաև հայրենիքի տեսարժան վայրերը, ուխտի գնացին սրբավայրերն ու վանքերը, և նրանց համար Արտասահմանի հետ հայ մշակութային կապի ընկերությունը կազմակերպեց հաճախակի դասախոսություններ հայ ժողովրդի պատմության և մշակույթի վերաբերյալ:

* * *

Հուլիսի 20-ին, ուրբաթ.—Այսօր, հրաժեշտ առնելով Վեհափառ Հայրապետից և Մայր Աթոռից, իր պաշտոնատեղին՝ Լոնդոն է մեկնում տ. Պսակ արքեպ. Թումայանը:

Տ. Պսակ արքագանին օղանավակայանում ճանապարհում են տ. Հուսիկ եպս. Սանթրոյանը և Աղվան կիսասարկավագ Գասպարյանը:

* * *

Հուլիսի 24-ին, երեքշաբթի.—Այսօր, հրաժեշտ առնելով Վեհափառ Հայրապետից և Մայր Աթոռից, ԱՄՆ է մեկնում տ. Սիոն արքեպ. Մանուկյանը:

Սրբագանին օղանավակայանում ճանապարհում են տ. Հուսիկ եպս. Սանթրոյանը, տ. Բագրատ արք. Գալստյանը և Աղվան կիսասարկավագ Գասպարյանը:

* * *

Հուլիսի 26-ին, հինգշաբթի.—Այսօր Վեհափառ Հայրապետը հանգստանալու մեկնեց Կիլոյվոդսկի «Կրասնի կամեն» առողջարան:

Վեհափառ Հայրապետին ողջեցում է տ. Կոմիտաս արքեպ. Տեր-Ստեփանյանը:

Երևանի օղանավակայանում Վեհափառ Հայրապետին ճանապարհում են, Մայր տաճարի լուսարարապետ տ. Հուսիկ եպս. Սանթրոյանի գլխավորությամբ, Մայր Աթոռի միաբանությունն ու մայրավանքի պաշտոնատեղությունը:

Վեհափառ Հայրապետին ճանապարհում է նաև Հայկական ՍՍՀ Միևիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը:

